



TATA IBADAH KEBAKTIAN MINGGU KELUARGA
MINGGU JUDIKA (Berilah Keadilan Bagiku ya Allah)
Model B, Medan, 29 MARET 2020
GKPS PADANG BULAN-MEDAN



1. Votum - Introitus - Tonggo

P. Riap ma hita jongjong!

Ibagas goran ni Naibata Bapa, pakon Tuhan Yesus Kristus, ampa Tonduy Napansing, sitompa langit pakon tanoh on.

K. Amen!

P. Pintori Ham ma ahu, ale Naibata. Patorsa ham ma parkarangku marimbang bangsa na so daulat; Paluah Ham ma ahu humbani halak panipu pakon pargeduk. ***Haleluya, haleluya, haleluya (idodingkon)***

Martonggo ma hita: Ham Tuhan Naibata na sangap anjaha marmulia. Ham do na mangatasi haganup kuasa, janah na paluahkon jolma humbani dousa pakon hamateian. Domma isuruh Ham Tuhan Yesus Kristus roh hu dunia on marsitaronon bangga ronsi na matei iparsilangkon, laho manggalar utang ni dousanami. Pasaorhon Ham ma diri-Mu bennami, ase ibagas unduk pakon toruh ni uhur hanami roh marsombah hu-Bamu, janah porsaya bani panghophopon ni Tuhan Yesus Tuhannami. Amen!
(hundur kuria)

2. Mandoding Hal. No. 407:1-2 "Puji ma Jahowa"

1. Pujima Jahowa Tuhan Naibata, ai marjumbalang do goran-Ni in Haganupan jolma sai marsombah ma, sai hagoluhkon hata-Ni in. Holsoh, haganupan mambur, tubuh ma malas ni uhur Gok bai pangarapan holong na totap, rap mangolobkon goran-Ni in.
2. Ningon do marsombah bani Naibata, pujima la pargogoh do in Ulang marnaloja sai irikkonma, rap mambalosi hata-Ni in. Holsoh, haganupan mambur, tubuh ma malas ni uhur Gok bai pangarapan holong na totap, rap mangolobkon goran-Ni in.



3. Hasasapan ni dousa

P. Riap ma hita jongjong!

Martonggo ma hita, sopotkon hita ma dousanta hubani Tuhan Naibata! Ham Tuhan Bapanami, Napansing anjaha na sangap do Ham, na mangidah torus hubagas uhurnami. Ham do patubuhkon hasintongan, hapintoron, ampa hapansingon ibagas hadirionnami. Tapi seng ihaholongi hanami Ham humbani gok ni uhurnami, humbani putih ni atei-ateinami, humbani gok ni tonduy nami, ampa humbani bois ni gogohnami. Goluhnami seng romban hubani hasintongan, hapintoron, ampa hapansingon, na dob isuanhon Ham ibagas dirinami. Seng tarponopkon hanami dousa pakon panlanggaronnami in, ai talar do in haganup i lobei-Mu. Sonari roh do hanami hu lobei-lobei-Mu mamboban haganupan dousa ampa hahurangannami in. Maidop ma uhur-Mu bennami, sasap Ham ma dousanami in. Suruh Ham ma Tonduy-Mu hubagas uhurnami, ase tarbahren

hanami mambalosi Ham ibagas hapintoron, hasintongan, pakon hapansingon, ase boi hanami parsimada bani hagoluhan na sadokah ni dokahni, na binagahkon-Mu bani sagala na porsaya na porsaya bani anak-Mu Jesus Kristus, Sipaluah hanami. Amen!

..... *hening*

P. Tangar hita ma Hata ni Naibata, bagah-bagah pasal hasasapan ni dousa.

Ai seng ra Tuhan in mangambukkon halak ronsi sadokah ni dokahni. Ai age pe domma marhoru ibahen, holong do use uhur-Ni romban hubani hinabuei ni idop ni uhur-Ni. **Hasangapon ma bani Naibata i babou.**

K. Amen!

(hundul kuria)

4. Mandoding Hal. No. 149. 1+2 “Ham Sipagoluh Au”

1. Ham Sipagoluh au parayak Ham au on.

Sai ulang Ham mandaoh humbagas uhurhon.

Roh Sipagoluh roh tongon, baen Ham au Anak-Mu tongon

Bani daroh-Mu usah au, putih songon bunga ma au

Putih tongon, putih tongon,

bani daroh-Mu usah au, putih songon bunga ma au.

2. Gogoh ni daroh in, patorang bangku on

Tonduy pargoluh in, manogu au tongtong

Roh Sipagoluh roh tongon, baen Ham au anak-Mu tongon

Bani daroh-Mu usah au, putih songon bunga ma au

Putih tongon, putih tongon

Bani daroh-Mu usah au, putih songon bunga ma au

5. Haporsayaon

P. Riap ma hita jongjong!

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

P+J. Ahu porsaya bani Naibata Bapa, Pargogoh na so tarimbang, na manompa langit pakon tanoh on. Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei tonduy na pansing. Na manaron na parngit, bani panorang ni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, Pargogoh na so tarimbang in. Hunjai ma Ia mulak magira laho manguhumi halak na manggoluh pakon na dob matei. Ahu porsaya bani tonduy na pansing, bani kuria parsadaan na mapansing in, parsaoan ni sagala na mapansing in, bani hasasapan no dousa, bani parpuhooon ni angkula, pakon bani hagoluhan na sadokah ni dokahni. Amen, ampa malas ni uhur bennami. Ibagas goran ni Anak-Mu Jesus Kristus ipindo hanami on. Amen! *(hundul kuria)*

6. Mandoding Haleluya No. 453:1+3 "Pitah Ham Tuhan"

1. Pitah Ham Tuhan hatundalan na toguh
Humbai ganup paruntolon na i tanoh on
Bani haganup pardalanan, pitah Ham panjaga na gogoh
Ondos ma Tuhan, hanai on nuan, se torsa sadokah goluh on.
3. Bohi pe minar, megah tong halani Ham
'Ge gilumbang roh mandorap goluhnami on
Bani haganupan parsahitan, hata-Mu do tambar na gogoh
Ondos ma Tuhan, hanai on nuan, 'se torsa sadokah goluh on.



7. Ambilan: 2 Petrus 1:1-9 Oleh : Pdt. Flora Ervina Hutagaol Kuria na hinarga ni Tuhan!

Bani suratni, apostel Paulus mangojur halak kristen Jahudi na manginsolat i Pontius, Galatia, Kappadosia, Asia, ampa Bitinia laho mangkajongjongkon haporsayaonni hubani Kristus sangah na mandompakkon parpodah na kahou bani panorang ai. Bani 2 Petrus 2: 1-2 ipatorang do bahasa parpodah na pakahouhon ai marpanop-ponop do mamboban podah na parsedahon, mamparnalang Tuhan na manobus sidea janah panghorhonni mamboban hasedaon na podas bani sidea. Bagei do cara parpodah na kahou ai mambahen buei halak mangihutkon hasumsamon ni sidea, halani ai gabe hona risa do pangajaran na sintong in.

Ipagolpa Petrus do sidea ase totap marhaporsayon hubani Jesus, ulang das taruyun janah magou. Ase haporsayaon ni sidea pe lambin martambah marhitei panandaion na bagas secara pribadi pasal Naibata ampa Jesus, Tuhanta in. Janah panandaion ai mambahen goluhta marhadaulaton ampa margogoh mandalankon harosuh ni uhur-Ni.

Hita haganupan na dob ipagolpa Jesus!

Ipatugah Petrus do pasal hajongjonganta selaku halak kristen, aima: *"Halak na dob manjalo haporsayaon, marhitei hapintoran ni Naibatanta ampa Jesus Kristus, Sipaluah in."* Bani Galatia 2:20, Paulus manobut: *"Seng be ahu na manggoluh in nuan, tapi Kristus do manggoluh ibagas ahu. Ia manggoluh pe ahu nuan ibagas daging, ai ma manggoluh ibagas haporsayaon bani anak ni Naibata, na mangkaholongi ahu anjaha na mambahen diri-Ni mangkopkop ahu."* Pahara on porlu tumang na gabe dasar laho mandompakhon bagei podah na kahou na berkembang itongah-tongah pargoluhan ni halak na porsaya. Petrus manobut Jesus aima Naibata janah Sipaluah, bani sisi na legan parpodah na pakahouon lang manjalo Jesus aima anak ni Naibata sonai age Sipaluah.

Ambah ni ai, selaku halak na dob manjalo haporsayaon, ibere do homa banta idop ni uhur ampa damei. 'Idop ni uhur' pakon 'damei' aima salam khas kristen. *"Kasih karunia"* adalah kebaikan Tuhan untuk orang-orang yang tidak pantas mendapatkannya. Tuhan memberikan kasih karunia karena Ia murah hati. 'Damei' ibagas bahasa Heber isobut 'syalom'. Bani Padan Nabasaia hata on ipakei laho mamasu-masu halak na legan. Lang adong na boi parsimada bani damei anggo lang halani idop ni uhur. Halani ai iojur Petrus do ase lambin itandai hita idop ni uhur

pakon damei ni Naibata janah on boi jumpah hita anggo lambin bagas panandaionta pasal-Si. Tapi seng sungkup soh bani na manjalo idop ni uhur ampa damei hita ibagas na manandai Jesus in. Panandaionta pasal-Si maningon do lambin marbanggal atap bertumbuh. Janah bani proses pertumbuhan ai, ibere do banta sagala na porlu bahen hagoluhan pakon hadaulaton (ay.3). Janah sagala na porlu ai, harga tumang janah banggal tumang. Marhitei ai do hita boi maporus humbani hamagouan na i dunia on, pinaroh ni hisap-hisap ni dagingta.

Hita haganup na dob manjalo idop ni uhur ampa damei!

Aha ma sagala na porlu ai? Bani ayat 5 – 7 ipajojo Petrus do, aima: Dear ni parlahou (kebajikan), hapentaran (pengetahuan), panrajaion diri (penguasaan diri), hasabaron (ketekunan), hadaulaton (kesalehan), holong ni uhur bani hasoman (kasih akan saudara-saudara), pakon holong bani haganup (kasih akan semua orang). Inilah “*vitamin rohani*” yang dapat membuat iman percaya kita semakin kuat ketika menghadapi berbagai persoalan hidup, ajaran-ajaran palsu, termasuk menguatkan iman kita kala menghadapi wabah pandemi Covid-19 yang sampai sekarang masih menjadi pergumulan kita bersama sebagai warga kristen, warga negara, dan warga dunia.

Berhubungan dengan vitamin, saya dan mungkin sebahagian besar dari kita memiliki pengalaman ketika masih kecil atau masa balita. Sering sekali mama saya menyajikan makanan yang saya tidak sukai. Ada sayur bayam, wortel, kentang, tomat, buah, bubur kacang hijau, dan menu lain. Mencium aromanya saja saya tidak kuat, apalagi memasukkannya ke dalam mulut. Setiap jam makan tiba, itu menjadi saat-saat yang tidak menyenangkan. Terkadang saya bersembunyi dan lari ketika mama memanggil untuk makan. Maunya, asal makan menunya ikan, daging, atau mie saja. Tetapi dengan penuh sabar, mama saya membujuk agar saya mau memakannya. Sembari berpesan mama menyuap makanan ke mulut saya, katanya: “*Kalau kamu ingin tumbuh besar dan kuat, maka kamu harus rajin makan sayur dan buah.*” Sese kali mama saya mengumandangkan lagu yang mungkin juga dilantunkan kepada kita saat balita untuk menjadi titian ingatan, “*Kurang vitamin A kau buta senja! Kalau makin lama matamu buta. Tak perlu kau susah untuk menjaga. Makan saja buah, sayur berwarna.*” Intinya adalah, untuk bertumbuh dan semakin kuat, kita membutuhkan vitamin melalui makanan yang kita asup. Meskipun itu terkadang tidak menyenangkan, tetapi harus kita makan. Vitamin atau obat itu pada umumnya memang pahit, tetapi di dalam rasa pahitnya itu, ia membantu proses penyembuhan dan pemulihan kekuatan kita.

Kuria na mar-kebaktian minggu i rumahni bei!

Usih hujai do age pitu (7) vitamin rohani na sinobut Petrus. Gati lang marosuh atap lang mangasup hita manjalohon ai ganupan. Tapi, vitamin rohani ai do mangurupi hita bertumbuh semakin kuat secara rohani ibagas Tuhanta Jesus Kristus ronsi mantaluhon parpodah na kahou i dunia on.

Ibagas parsoraan pakon halak na legan, dear ni parlahou (kebijakan) gabe hataridahon goluh ni halak kristen. Halak na dear parlohouni mangkagoluhkon aha na ibotoh ni pasal Tuhan in. Praktik haporsayaonta mambobai hita hubani panrajaion sanggah buei hamarsikon na idompakhon hita. Panrajaion diri ai lambin marbanggal das hubani gabe halak na gok ibagas hasabaron (ketekunan). Anggo domma mangasup hita ibagas hasabaron, ijai ma hita boi manggoluh ibagas hadaulaton. Halak na manggoluh ibagas hadaulaton taridah ma ai humbani sonaha holongta dampak hasoman sonai age dampak halak na legan. Janah holong ai do sibanggalan (1 Kor. 13:13), holong dampak Naibata pakon hasoman jolma (Mrk. 12: 29-31). Tetapi kita jangan melihat tujuh (7) hal di atas dalam bentuk yang terpisah-pisah. Itu harus dilakukan secara simultan dan parsial, terjadi atau berlaku pada waktu yang bersamaan; serentak dan berhubungan atau merupakan bagian dari keseluruhan.

Haganup na sinobut bani ayat 5-7, maningon do martambah-tambah/bertumbuh ibagas goluh ni halak kristen marhitei na totap aktif lang rayohan/pasif. Marhitei pitu (7) vitamin rohani ai, goluh ta gabe goluh na marbuah. Dalam Mateus 13:22-23 dikatakan, *"Yang ditaburkan di tengah semak duri ialah orang yang mendengar firman itu, lalu kekuatiran dunia ini dan tipu daya kekayaan menghimpit firman itu sehingga tidak berbuah. Yang ditaburkan di tanah yang baik ialah orang yang mendengar firman itu dan mengerti, dan karena itu ia berbuah, ada yang seratus kali lipat, ada yang enam puluh kali lipat, ada yang tiga puluh kali lipat."* Hidup orang percaya seperti tanah yang baik (cukup pupuk) sehingga tanaman di atasnya akan menghasilkan buah yang baik pula. Tetapi hidup orang yang tidak di dalam Tuhan, ibarat tanaman yang tumbuh di tengah semak duri, dan seiring waktu dia bertumbuh, tetapi tidak akan menghasilkan buah. Janah marbuah pe hita, tujuanni ase lambin itandai hita Jesus Kristus, Tuhanta in.

Iujungi do ambilan on marhitei sada usihan bahasa halak na lang parsimada bani idop ni uhur pakon damei sonai age pitu (7) pahara na dob sinobut ai, usih songon halak na mapitung anjaha parpangidah na sompit. Tapi na imaksud aima mapitung secara rohani/partonduyon, lang mambotoh aha na ipangindo Tuhan humbani goluh ni selaku halak na porsaya. Halak na sonon aima halak na lang mambotoh hajongjonganni, halak na dob ipaborsih humbani dousa-dousani hinan marhitei idop ni uhur ni Tuhan Jesus Kristus.

Kuria na idilo ase marbuah!

Aha ma na boi gabe refleksi humbani ambilan on bani situasinta sondahan on!

- 1) Situasi sekarang ini acap sekali membuat kita cemas bahkan sampai tahap cemas yang berlebihan. Rasa cemas yang berlebihan itu, dapat mempengaruhi daya tahan tubuh kita, dan akhirnya menyebabkan kita jatuh sakit. Rasa cemas itu dapat kita atasi melalui pengenalan kita yang lebih baik akan sifat dan dampak yang dapat ditimbulkan oleh virus Corona ini, dan tindakan apa yang harus kita lakukan. Usih songon mandompakkon bagei ni hamarsikon halani mangirikkon

Jesus ampa manlembangi podah na pakahouon, kualitas panandaionta pasal Jesus, gabe pahara na porlu tumang ase boi monang hita.

- 2) Songon anjuran ni pamarentah ase mangankon buah pakon sayuran na gabe sumber vitamin meningkat daya tahan tubuhta (imunitas tubuh) laho menghempang pengaruh ni virus on bani angkulanta. Sonai ma homa pitu (7) vitamin rohani on marguna banta ase lambin margogoh hita mandompakhon atap ahape na masa, janah boi marbuah goluhta gabe panjaliran pasu-pasu homa hubani buei halak. Tongon lang pahara na urah on janah mantin. Tapi songon umpasa simalungun mangkatahon, "Anggo matobu ulang mintor ibondutkan, anggo mapaet ulang nintor iutahkon."
- 3) Maningon mangasup do hita mangidah janah mengelola na masa on bahen hadearan ni goluhta. Buei do hal positif na boi jumpah hita sadokah *social distancing* pakon *physical distancing (jarak fisik)* on. Buei ma panorang membangun hasadaon pakon keluarga, lambin ihargahon hita ma goluh on, pnl. Ibagas kondisi on lambin tangkas ma banta, bahasa hita aima halak na dob ipaborsih humbani dousa-dousanta, mambahen totap hita manjalohon idop ni uhur ni age itongah-tongah kondisi sonari on. Tuhan ma na manluluhon hita bani ganup persoalan ni goluhta. Selamat mar-Judika ma banta ganup. Amen!

8. Manggalang:

P. (*Roh ma na patumpuhon galangan hu lobei. Paima ipadalan, parlobei hatahonon ni paragenda ma*):

Paima ipatumpu hita galanganta, tangar hita ma lobei hata ni Naibata na gabe onjolan banta laho manggalang, aima na tarsurat bani: 2 Musa 35:5, "Patumpu hanima ma hunbennami galangan hubani Jahowa; barang ise na rosuh uhurni, iboban ma galangan hubani Jahowa." **Sonari patumpu hita ma galanganta.**

-----(*irik mandodingkon Kidung Rohani "Kaulah Harapan"*)-----

Bukan dengan kekuatanku, ku dapat jalani hidupku
Tanpa Tuhan yang di sampingku, ku tak mampu sendiri.....
Engkaulah kuatku yang menopangku....

Reff. Kupandang wajah-Mu dan berseru
Pertolonganku datang darimu
Peganglah tanganku, jangan lepaskan
Kaulah harapan dalam hidupku.



9. Tonggo Galangan – Panutup- Pasu-pasu

P. **Riap ma hita jongjong!**

Martonggo ma hita mangondoskon galanganta hubani Naibata!

Ham Tuhan Naibata, Simada hanami ronsi haganup goluh nami. Tarimakasih ma hatahonon nami hu-Bamu, halani iparmudu-mudu, iparorot, janah ipasu-pasu Ham do goluh nami. Ibere Ham do homa parhiouon, hajorgiton, sipanganon, pakon siinumon ronsi na porlu bani goluh nami. Tanda ni tarimakasih nami, iondoskon hanami do hu-Bamu goluh pakon humbani pasu-pasu na binere-Mu in,

na ipatumpu hanami on, gabe galangannami. Papansing anjaha pasu-pasu Ham ma on gabe galangan na misbou i lobei-Mu, bahen hasangapon pakon parrarat ni harajaon-Mu i dunia on. Sai tambahi Ham ma pasu-pasu-Mu janah sai lambin paganda Ham ma holong ni atei-Mu hubennami. Ajari Ham ma hanami, ase lambin igalangkon hanami dirinami pakon sinadongannami hubani harajaon-Mu bahen hasangapon-Mu, ibagas goran ni anak-Mu Jesus Kristus, Sipaluah hanami, Amen!

K. (Mandodingkon doding galangan-Haleluya No. 281:5)

Bamu, o Tuhan manambah au on
Bamu ganupan na dong bangku on
Seng bulih be sirang na rapat Bamu
Martuah sai sonang na roh hu Bamu

P. Martonggo ma hita!

Ham Tuhan Jesus, na dob padomuhon hanami hubani Naibata Bapa na i nagori atas. Ipuji janah ipasangap hanami do Ham halani sirsir Ham manaron ase ulang gabe jolma sigilaan hanami i lobei ni Bapa in. Na mangelek ma hanami hu-Bamu, paruhuri Ham ma hanami ase tongtong idingat hanami panaronon-Mu bahen haluahonnami, janah ase tahan hanami mandompakkon hamaholon-hamaholon, tapi ase dihut bani hamonangan-Mu. Ibagas idop ni uhur-Mu itonggohon hanami on haganupan hu-Bamu. Amen!

P. Ham Bapanami na i nagori atas, sai na papansing ma goran-Mu. Sai roh ma harajaon-Mu. Sai saud ma harosuh ni uhur-Mu i nagori tengah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dompak hanami, Ulang hanami bobai Ham hu parlajouan. Paluah Ham ma hanami humbani pangangou!

(Manoruskon tonggo on marhitei na mandodingkon)

Ai ham do simada harajaon, pakon hagogohon, ampa hasangapon, sadokah ni dokahni. Amen.

P. Jalo hita ma pasu-pasu humbani Tuhan Naibatanta:

Ipasu-pasu anjaha iparorot Tuhan Naibata ma hita. Isondangkon Tuhanta Naibata ma bohi-Ni hubanta janah maidop ma uhur-Ni mangidah hita. Idompakhon Tuhan Naibata ma bohi-Ni hubanta janah ipasorap ma damei-Ni bani tonduyta bei.

Ganup: (mandodingkon) Amen..... Amen..... Amen!